

Sing Moq Doxyungz • Minzgoh Gapyiengj

12 nyied 17 hauh, “sing moq doxyungz • minzgoh gapyiengj — ‘minzgoh yienh sing moq’ yienjok gij cozbij camgya hozdung doxdax cauxbien Gvangjsih minzgoh cozbij bi 2025” youq Gvangjsih Yisuz Yozyen Nanzhuz Yaugih Yinhyozdingh guh. Baez yienjok neix dwg langhbaij gij cwnzgoj hozdung “minzgoh yienh sing moq” cauxbien Gvangjsih minzgoh cozbij bi 2025, youz Swcigih Minzcunghvej, Swcigih Vwnzlenz, Gungcinghdonz Gvangjsih Gihvej, Swcigih Gvangidengiz, Gvangjsih Yisuz Yozyen caezcaemh cawjbanh, Gvangjsih Yisuz Yozyen Dangvej, Dungjcanbu, Yinhyoz Yozyen ciepbanh. Gak gyaiq bouxhek, boux cauhguh daibyauj, boux canghyienj caeuq gak cuz lauxsae hagseng, ginczung doxcomz giz ndeu, caezcaemh yawj le ciengz hoihhoengh minzgoh conzdungj caeuq yienhdaih doxyungz, minzczuz caeuq seizdaih doxhap neix.

(Veiz Yingjcinh/韦颖琛 Vangz Yinz/黄云)

► Cezmuz 《Gvangjsih Minzgoh Lienz Ciengq》. Vangz Yinz ingj



▲ Vunzmbanj caeuq hekyouz caemh diuq fouxdohyeh.

Lungzswng: Ciengq Go Diuq Foux Gvaq Cieng Duncuz

12 nyied 20 hauh, Lungzswng Gak Cuz Swciyen guh hozdung angqhoh cieng Duncuz, dangdieg gak cuz beixnuengx ndang daenj buhvaq ngoenzciet angq comz giz ndeu, doenggvaq minzsug cunzyouz, go foux yienjok, diuq dohyeh, doxcomz gwn ngaiz daengj minzsug hozdung, ciengq go diuq foux angqhoh cieng Duncuz. Gaenh geij bi daeuj, dangdieg cauhmoq aen vunqsik “guh ciet minzczuz +”, haeujlaeg vat ok gij swhyenz guh ciet, doidoengh vwnzva lijyouz yungzhab ndei, byaijok le diuz roen lajmbanj saenqhwnq “aeu ciet coi lijyouz, aeu lijyouz hwng noengznieb” ndeu.

(Banh Cisiengz/潘志祥)

Vuzcouh: Bouxcoz Nyezrauh Gohgi Cauhmoq Doxdax Gig Ndeiyawj

12 nyied 21 hauh, 2025 nienz Gvangjsih Vuzcouh Si bouxcoz nyezrauh gohgi cauhmoq doxdax youq Vuzcouh Si Gohgi’ gvanj guh. Yienhciegz, gyoengq hagseng camgya doxdax haenx baijok caemhcai q sengdoengh gangjej gij cozbij gyoengqde. Doenggvaq baez doxdax neix, gikfat yinxdaez damqra gohgi bouxcoz nyezrauh, beizyangj siengjifap cauhmoq caeuq naengzlig saedguh, dap bingzdaiz youqgaenj gungganq vunzcaiz gohgi daengzcog.

(Ouh Gezyingz/欧洁莹)



▲ Gyoengq hagseng gangjej gij cozbij gyoengqde.



▲ Boux ndaej gimciengi doxdax ceng biek daeuz Libuj.

Libuj Si Gaiq Daihgouj Ciet Vwnzva Biek Libuj Haiguh

12 nyied 18 hauh, Libuj Si gaiq daihgouj ciet vwnzva biek Libuj youq Libuj Si Yihgya Cihduh Gvangicangz haiguh. Aen ciet vwnzva neix doenggvaq doxdax ceng biek daeuz Libuj, doxyaeng gaicawx, yizsiz ciemdingh hanghmoeg, “aen loqsiengj Cungguk gou — vwnzva haeuj fanh ranz” yienjok daengj hozdung ndeiyawj, cienzmienh baijok gij cwnzgoj hungloek hwngfat canjnieb biek Libuj.

(Cauh Cinyenji/周俊远)